

Tangata'eiki kataki he fa'a fakahoha'asi ho taimi femou'ekina, ka koe'uhi ko'ene mahu'inga 'oku fakahoko atu ai.

Koe fakamatala 'i lalo koe kongā tali mei he taha kau poupuu ofi PTOA fekau'aki mo hono ta'ofi fakataimi 'o e Paaka.

Kataki mu'a pe 'e lava 'o fakama'ala'ala mai 'a e ngaahi fifili 'oku haa henau fakamatala.

Koe tu'unga he taimi ni 'oku 'ikai ke fai ha tokanga ia kiai ka ko 'emau talangofua kakato pe ki he tu'utu'uni 'a e Pule'anga neongo kuo siva 'a e 'amanaki ia ki he ki'i polokalama ne fai ki ai ka 'oku mahino pe 'oku 'ikai kemau pule pea 'e tuku pe ke fai 'enau faitu'utu'uni 'o fakatatau ki he 'enau fakakaukau.

Ka ko e me'a pe 'oku fai ki ai 'a e fifili ia he 'oku te'eki fakamo'oni'i ia pe koe mo'oni 'a e tu'utu'uni ne fai 'e he 'ene 'Afio pea 'ikai ngata ai na 'e 'ikai ke 'omai ha fa'ahinga tu'utu'uni faka-fakamaau'anga ia ke fakamahino kuo a'u ki he fakamaau'anga pea 'e toki fakalao leva ke 'oua na'a toe fai hano faka'aonga'i ka koe ha pe tu'utu'uni 'oku nau fai koia pe.

-----  
TALI:

KO E PAAKA POPUA, 'OKU LOLOTONGA 'I HE MALUMALU 'O E 'OFISI PALEMIA (PMO) TALU PE MEI HE PULEANGA MOTU'A 'ENE 'I AI PEA 'OKU TE'EKI AI FAI HA LILIU KI AI.

KO E PAAKA POPUA KUO 'OSI TALI 'E HE KAPINETI KE HOKO ATU HONO FAKATOTOLO'I 'A E PAAKA POPUA HE LOLOTONGA NI. PEA KO E FAKAMAAULAHU KO CATO KUO 'OSI FAKANOFU KI HE LAKANGA KO IA.

PEA KO E FAKAPOTOPOTO TAHA PE KI'I FAKATATALI HANO TOE FAKA'AONGA'I E PAAKA POPUA HE TAIMI NI, KAE 'OUA LEVA KE KAKATO E NGAUE 'A E KOMISIONA FAKATU'I KI HONO FAKATOTOLO'I E NGAUE 'I HE PAAKA VA'EPOPUA.

'I HE TAIMI TATAU 'OKU KEI 'ALU PE KI AI E KAKAI FAKAFO'ITUITUI MO FAKATAAUTAHA 'O KEI FAKA'AONGA'I, PEA NAU 'EVA KI AI. PEA 'OKU 'IKAI KE MAU TAOFI IA 'EMAUTOLU HA NI'IHI FAKAFO'ITUITUI 'OKU NAU FIE 'EVA KI AI. KO E FILI TAU'ATAINA PE IA 'ANAUTOLU. PEA KA HOKO HA FA'AHINGA FAKATU'UTAMAKI PE MOLE HA MOU'I 'I HE MELEMO PE MATE HE FO'I TAIMI KO IA. HE TAUMAI AA 'OKU 'I AI HA LE'O (SECURITY GUARD) AI HE LOLOTONGA NI. PEA 'OKU TE'EKI AI FAKANGOFUA HA TAHA KE 'ALU KI AI. PEA KAPAU 'OKU FILI HA TAHA IA KE TALANGATA'A PEA HOKO AI HA MATE. KO E ME'A IA 'OKU MAU TOKANGA MAKEHE AI KI AI.

'I HE TAIMI NAE KOLE MAI AI E PTOA KENAU FAKA'AONGA'I E PAAKA POPUA. 'E FU'U FAINGATA'A IA KEMAU FAKANGOFUA ATU HA FA'AHINGA KULUPU PEHE

KENAU FAKA'AONGA'I. HE OKU 'IKAI HA FO'I SINO FAKALAO IA KO E PTOA. PEA 'E FAINGATA'A KE FAI HA ALEA MO HA FEMAHINO'AKI MO HA FO'I SINO OKU 'IKAI KE LESISITA PE MAHINO KO HA KUPU PE SINO FAKALAO MO MO'ONI. PEA KO E TAHA IA NGAHI 'UHINGA. PEA KAPAU TEMAU FAKANGOFUA ATU KENAU 'ALU O FAKA'AONGA'I E PAAKA POPUA PEA HOKO AI HA MATE PE MOLE HA MOU'I. E TUKUAKI'I LEVA E PULE'ANGA MO E 'OFISI 'O E PALEMIA KI HONO FAKANGOFUA KE FAKA'AONGA'I E PAAKA POPUA TA'E 'ULUAKI FAKAKAKATO, MO FAKAPAPAU'I KUO 'OSI TALI 'E HE KAPINETI PEA KASETE'I E PAAKA POPUA KO E FEITU'U MO E PAAKA FAKAPULE'ANGA KE FAKA'AONGA'I LEVA 'E HE KAKAI 'O E FONUA KUO MALU PEA KUO TAAU KENAU FAKA'AONGA'I. KA 'I HE'ENE TU'U HE TAIMI NI OKU TE'EKI AI. PEA KO E TAHA IA E 'UHINGA HONO FAKATATALI KAE 'OUA LEVA KE FAKAKAKATO E NGAUE 'A E PULEANGA PEA TOKI FAKAHA ATU.

KO E TALI IA KI HOO FEHU'I.

MALO